

confirmamus et presentis scripti patrocinio communimus, supplentes omnes defectus, qui forsitan interuenerint in eisdem. Nulli ergo omnino hominum liceat hanc paginam nostre confirmationis, communionis et suppletionis infringere uel ei ausu temerario contraire. Si quis autem hoc attemptare presumpserit, indignationem omnipotentis Dei et beatorum Petri et Pauli, apostolorum eius, se nouerit incursum. Datum Mantue, viij idus Decembris, pontificatus nostri anno secundo.

Registrata gratis. Bartholomeus. V. På frånsidan: Confirmacio Martini pape super decimis canonicalibus.

Blybullan vidhänger.

2551.

1418 d. 9 Dec. Vadstena kloster.

Abbedissan Gerdeka, confessor generalis Erik och konventen i Vadstena utfärda rekommendationsbref (pass) för munkarne Johannes Haquini och Johannes Hildebrandi, som skola begifva sig till Rom.

Afskr. i Codex 6 (Benz.) i Upsala Univ:s bibl. fol. 102 v.

Vniuersis christifidelibus, ad quos presentes litere peruenerint, soror Gerdheka abbatissa et frater Ericus, confessor generalis, ac vterque conuentus monasteriorum Marie virginis et Birgitte in Watzsteno, Lyncopensis diocesis, in regno Swecie, salutem in omnium Saluatorem. Vt a discretis itinerantibus sinistre suspicionis tollatur occasio, necesse est eos vite et conuersacionis testimonio premuniri, exhibidores igitur presencium J[ohannem Haquini] et J[ohannem Hildebrandi] presbiteros, confratres et filios nostros karissimos, viros religiosos et deuotos, ad omnes sacros ordines tam inferiores quam mayores rite et canonice promotos, non suspectos, non excommuni- catos, non interdictos nec in aliqua irregularitatis nota, quantum humano constare poterit iudicio, respersos, ad Romanam curiam, fauente Domino, transituros, caritati vestre sinceriter in Domino recommendantes, vos et quemlibet vestrum humiliter et affectuose rogamus pro eisdem, quatenus ipsos in huiusmodi itinere suo eundo uel redeundo casu vel proposito diuertentes amore Dei et nostre petitionis intuitu benigne velitis colligere et humaniter pertractare, non sinentes eos in personis seu rebus a quoquam indebite molestari, mercedem ab eo recepturi, qui caritatem pre- cipit et premiat obseruantes, et nos eciam pro modulo nostro erga illorum promo- tores condigna vicissitudine promereri volumus requisiti. Datum monasteriis nostris, anno Domini millesimo quadragesimo decimo octauo, ix die mensis Decembris, sub sigillo nostro apposito presentibus impendi.